

周莊鎮志

序

余宰元和寂久得與邑之賢士
大夫游聞周莊陶君子春閉戶著
書是不入城市蓋隱君子也歲辛巳
余以事赴鄉時擬修縣志而邑乘
久缺苦無依據從陶君處得舊志

君道他出未獲良晤心益嚮往今
夏陶君以所作周莊鎮志見示屬
為序言以弁簡端余受而讀之書
其紀載詳明搜羅富有而體例仍
復謹嚴有合於古人志乘之義不獨
勛典不忘可以備一方之掌故而擇言

尤雅庶幾佐使者之輻輳將未縣
志之修即可藉是編以為考核
其伯選厚惠為立窮已至其筆
墨之博綜其核簡潔明備讀者
自能詳之固無俟余言之贅述也
是為序

光緒壬午六月

賜進士出身

誥授中議大夫三品銜補用府知元和縣
事年愚弟陽聲先頓首再撰

周莊鎮志目錄

卷首

凡例

圖

卷一

界域

水道

勝蹟

物產

卷二

公署
附善局

第宅

橋梁

卷三

祠廟

冢墓
附坊表

卷四

風俗

人物

卷五

列女

流寓

釋道

卷六

雜記

周莊鎮志卷首

凡例

一周莊鎮在蘇州府城外東南六十里元和縣之一隅也西南毗連吳江縣界東接松江府之青浦縣界跨兩府三縣其風土人情物產有非府縣志所能詳者茲將本鎮及四圍附近六七里之鄉村采輯成編以備一方掌故第末學寡聞尚多望漏闕者諒之

一吾鎮向有章騰龍貞豐擬乘成於乾隆癸酉至嘉慶戊辰始得陳勰增輯付梓陶金梭撰周莊志亦止於乾隆甲申且未脫稿自戊辰至今已閱七十餘年其間人材輩出聞見日增

苟無紀載必致湮沒不彰是編戊辰以前悉本擬乘復采府縣各志戊辰以後廣搜故家譜牒碑誌及徵之父老傳聞詳慎纂錄

一周莊巡檢司所轄八都一百三十七箇界域遼濶且俱在鎮北及西北隅而鎮西南與附鎮東南隅者皆非所轄茲就近鎮六七里內蒐錄不以巡司所轄爲限惟都箇鄉里村鎮橋梁則全附焉以備稽核

一此地湖蕩紛環港浜疊出茲以本鎮水道詳載於前復以近鎮大湖之著名者分列於後其鄉村支河概未之及

一鎮小且僻勝景寥寥然近水遙山平林脩竹春秋佳日雅足

流連自前輩創爲八景著之詠歌迄今不絕至古人遺蹟皆確有依據非裝點附會者比因並錄之而前人攬景記事之作或詩或文間附一二於後

一物產惟載近地所出者其有向係誤傳卽爲更正至製造之法間亦附及

一凡設官防遏者謂之鎮周莊自康熙元年設千總一員十三年改設把總外委各一員乾隆二十六年始設巡檢司同治十一年又設淞南營水師茲於公署後將巡檢司淞南營原奏章程悉爲附錄而公所善局亦載焉

一第宅必係名人所居或爲前輩社集之所著有詩文傳播當

時始行采錄

一鎮本水區橋梁頗多無論大小均爲列入惟鄉村略約無名可紀故但存石橋之有名者

一祠廟本祠祀廟宇併作一部不另立寺院者倣洪亮吉淳化縣志例也至各志多不載尼庵而吳地後記有尼寺尼院故並錄焉

一冢墓皆屬古人之彰彰在耳目前者或係墓碑近時出土而稽其人實有可傳之事卽爲采入其坊表亦附後

一鎮之界域元利爲主而風氣則於吳江爲近卽一縣內之俗尚亦或不同茲擇其合於鎮者載之

一 人物據府縣志及擬乘所載復博采於他書而近世之人則廣稽輿論必確鑿可稱者乃爲列入惟志書人物率皆分類今以人數無多故仍合而爲一

一 擬乘所載列女未旌者多陳氏增輯時轉有遺脫自同治間設局采訪遂使潛德幽光靡不闡發茲編於擬乘外悉本照所采報者間從各縣志及旌表姓氏錄增入其續有所得并未旌者別爲補遺以附焉

一 流寓必其人居此已久始爲著錄若偶焉託足或無確據可考者概不濫列

一 釋道因寺院屢興廢俱無遺籍可稽茲就擬乘所載復采

各志及近世者錄之

一雜記府志分類爲六而他志亦多有分類者茲因事蹟無幾恐類多則歧類少則有不類及無類可從之事故第以年代爲次也至咸豐庚申以迄同治甲子粵賊竄踞官軍攻勦煦別有庚申見聞錄二卷亦同付梓故記中不贅及


一是編部次原本擬乘而併其沿革地界爲界域八景古蹟爲勝蹟廟宇祠墓爲祠廟而冢墓獨立一部冥果異聞俱入雜記詩文卽附各部中倣范成大吳郡志例也此外所增者惟公署第宅並卷首諸圖而已


煦自甲戌歲承乏府志採訪之役凡屬元和者均躬歷其

地而於近鎮六七里內尤詳審搜羅欲因是以輯鎮志蓋
府志有定例人地事物必擇其尤著者載之而鎮志則凡
略有可稱者皆節取也初脫稿商諸楊明經引傳多所是
正而斟酌損益則從弟然爲最力至始終校錄兒子惟增
惟坻任之經四易稿而後成卷首諸圖八景則弟燾所繪
鎮及村則兒子惟坡所繪適前年籌助豫賑鎮中舉行茶
捐繼復移助晉賑直賑賑事竣因請於錢太守卿鉢以此
欸爲刊刻鎮志及他善舉之用俟敷用卽議撤太守許之
遂於庚辰冬杪付梓孰意從弟已不及見矣


光緒八年歲在壬午夏四月里人陶煦子春氏謹識

周莊鎮圖





附近鄉邨圖




貞豐八景圖

全福曉鐘

月其鐘元氣官

十



鯨魚鏗華鐘百八聲聞香衝破鶴林煙
耿耿天光曉蕩水驚眠龍撼樹飛宿鳥
扶桑日初升空際白雲遶耳根證圓通
一悟萬緣了如何應却塵夢猶擾

右全福曉鐘



指歸春望

丁巳年三月




佛閣何崔巍春深乏眺望披襟風日和
縱目川原曠兼花終布金夢穠細搖浪
綠雲罨遠村紅雨漂新漲韶華能幾時
轉眼生惆悵彼岸示招歸恐人昧所向

右指歸春望



鮮亭夕照



洗鉢懷雪公築亭恣游眺軒窗面清池
一抹留斜照林間鴉影翻天末霞光耀
遠山開畫圖吟客添詩料誦經感優量
當日拈花笑心水閱滄桑禪心悟空妙

右鉢亭夕照

蜺江漁唱



蜺江打魚舟載網時出沒欸乃柔艣鳴
宛轉清歌發送響度前溪微風生蘋末
家依菰蒲鄉醉眠雲水窟只知天地寬
不愁波浪濶一曲入浦深呼起吳淞月

右蜺江漁唱



南湖秋月



在遊南湖畔湖面如鏡平圓輝皎秋夕
水月涵空明纖翳不能蔽此境真復清
蚌珠與蛟彩相關誰精瑩光騰星斗掩
影射魚龍驚惜無海岸樣萬里乘風行

右南湖秋月



莊田落雁



翩、隨陽雁來自天一涯江南稻梁足
何處不可家莊田少人迹四圍叢叢葭
呼羣此棲託矰繳知無加半鉤遊新月
數點飛落霞琴瑟久欲寫按譜翻平沙


名莊田落雁



急水揚帆

月夜金三卷下

三



急水匯衆流通走百瀆連櫓挂輕帆
乘風勢更速排如雁聯行駛如馬逸足
斜拖出岫雲倒拂牽崖瀑前程縱無阻
款側駭旁瞻回看釣魚船安穩江干宿

右急水揚帆



東莊積雪

陶森



散盡粟千倉積成雪萬頃荒
舊東莊
仍幻繁華景闌鐙白銀高窗封雪母冷
瑤臺十二層咫尺皆仙境寒鴉晚不啼
老鶴杳還驚尋梅來陌頭思蔭歆楚郢

石東莊積雪

陶煦



周莊鎮志卷一

里人陶煦重輯

界域

周莊鎮舊隸蘇州府長洲縣雍正三年縣分爲二遂隸元和鎮

西偏兼隸吳江縣相傳爲宋迪功郎周君佚其名收穫設莊之

所故名地屬元和之貞豐里鎮有貞豐橋故又名貞豐初係

村落白金二十相公和隨宋高宗南渡僑居於此人煙漸密

元季沈萬三秀之父祐由湖州南潯鎮徙居東坨始闢爲鎮

前明遷肆於後港鎮西多墳墓鮮民居 本朝康熙間東西

二柵俱成閭閻而後港寥落矣

鎮隸元和縣者十之八隸吳江縣者十之二隸元和者屬蘇臺

鄉貞豐里南二十六都鎮東則一畧嚴字圩鎮中則二畧中江字圩鎮南則二畧南江字圩鎮北則三十六畧下江字圩隸吳江者屬久詠鄉二十八都鎮西則三十九畧北友字圩鎮西南則三十九畧化字兩圩東界大東垞港港東卽隸松江府青浦縣南界南湖並新開河南岸卽隸吳江縣西界投字港隸吳江縣北界急水港隸元和縣廣三里袤二里自鎮東至青浦之朱家角鎮三十六里至青浦縣城四十八里東南至青浦之金澤鎮二十里至章練塘鎮四十里南至吳江之莘塔鎮十二里至蘆墟鎮二十里西南至吳江之北厓鎮十八里至黎里鎮三十六里西至吳江之庵村鎮十八里至

同里鎮二十七里至吳江縣城四十五里北至元和之陳墓

鎮十八里至六直鎮三十六里東北至崑山之楊搶涇鎮俗稱

洋湘涇四十里西北至蘇州府城之葑門六十里至江甯省城

六百里至京師二千七百八十里按元和縣志載京師陸

路四千七百八十里江南省城陸路五百里水路五百四十里今遵內府輿地圖及府志核計

附近六七里內之鄉村在鎮北及西北隅者曰耘田港曰南沙

港元和縣志作南沙涇曰廟浜曰趙浜曰繆浜曰韓鎮曰祈莊曰三朱

浜曰東田肚曰雙廟曰西田肚曰北田肚曰張家港曰林家

浦曰楊家浜曰高田浜曰七家浜曰蔡家浜曰荷花池曰王

家浜曰許家港曰陳家浜曰仙鶴漚在東北隅者曰錢王浜

曰白家浜曰質洞曰東管村曰黃家浜曰冷家灣曰賴村曰
秀王浜曰北錢王浜曰王家灣曰北朱家浜曰祝家田以上
俱隸元和縣在鎮東及東南隅者曰朱家浜曰道堂浜曰田
肚曰北聖浜曰匠人浜曰朱家河曰東張家浜曰王巷曰馬
家浜曰官字圩曰龍字圩曰蘆青灣曰南許曰北許曰車六
庫曰陸家灣曰四成址港元和青浦交界以上俱隸青浦縣在鎮西
及西北西南隅者曰江澤曰西蒲塘曰東投氣曰西投氣曰
黃泥浜曰陳許曰黃墩港曰雪巷曰北印曰蕭莊曰同字曰
長渠曰角字曰大港曰陳家浜曰南莊曰孫家浜曰潯陽灣
曰張家浜曰支潢浜曰任家灣曰吳家埭曰龍涇曰長浜曰

石佛浜曰三家村在鎮南及東南隅者曰許莊曰善灣曰西
岑曰吳家村曰蕭田曰寺巷上曰楓里橋曰二畝港曰東渚
以上俱隸吳江縣其嚴字圩東南隅之東坨簪涇東之東浜
永安橋東之銀子浜下江字圩西北隅之寺前北友字圩西
北隅之胡家圩雖附於鎮亦鄉村也至巡司所轄各地名從
縣志備錄於左

周莊巡檢司所轄都畝鄉里村鎮橋梁

共八都一百三十七畝

二十四都正扇

陳公鄉金樓里

一畝 華家浜 河泊所 二畝 金家橋

東

小橋浜

干將涇 窳浜 葑門塘 五畝 西板橋

東

馬王

浜 六畝 黃天蕩北灘 厓上 張家厓 九畝 金涇滄南灘獨墅湖北灘

花柳村 賽公橋 老鼠浜 十畝 桑家橋 匠門

塘 秋蟾浜 溫曹村 十一畝 何家堰頭 翁家浜

蔣姆思橋 十三畝 仰家莊 申明亭基 十四畝

陳司涇橋 東屬十五畝 慶陵橋 富墓涇 十五畝 羅

家橋 西二十一畝 金涇滄北灘 東沿村 二十二畝 華

氏浜 北顧村 華宅前 蔣巷村 西莊 二十三畝

竹園浜 吳厓浜 圩田村 萬寧蕩 俞橋 陶家

浜 西過 二十五畝 金涇滄北灘 南莊 東浜 西奚巷

四安橋 雞陂港 官開涇 斜澗口 石家堰 葛

莊 二十九畝 陳家浜 周家角

二十四都副扇 陳公鄉金樓里

三畝 太保浜 井亭橋浜 四畝 普福橋 俗名小黃石橋

桑橋浜 秋塘浜 居家村 東板橋 七畝 黃天蕩北灘

十里涇 石礮浜 灣塘裏 八畝 金涇南灘 葑溪二堰

橋 俗名黃石橋 韓家舍 徐巷村 遺庵橋 十二畝 匠

門塘 盈宿橋 劉安浜 仰家村 張家浜 十六畝

金涇南灘 洋涇橋 黃泥浜 鴨腳涇 十七畝 蔣浜

彭港 朱施 尹家橋 木香港 十八畝 楊家村

何家浜 顧村橋 觀上 褚司涇 十九畝 夏母

浜 四馬涇 邵濱涇 二十畝 金涇渰北灘 渡船口 唐

家浜 北葉村 鳳皇涇 葉家浜 火刀浜 趙巷村

江涇 二十四畝 金涇渰北灘 南斜莊 北斜莊 官開

涇 庵浜 郭家莊 蠡塘口 二十六畝 金涇渰西灘 曹

家田 蔣巷港 張濱橋 二十七畝 金涇渰西灘 蔣巷

師姑田渚 朱巷涇 二十八畝 金涇渰北灘 璩巷村 陸

金壩 三十畝 華家橋 金家橋

中二十六都正廟 蘇臺鄉貞豐里

六畝 東至青浦縣界 冷家灣 東管村 賢行港 八千具

祝家田 頴村 八畝 湯灣 金家蕩 葫蘆漫 田

雞浜 秀王浜 十畝 鴨頭灣 戴浜 祝家浜 張

家浜 十一畝 中塘港 簪箕港 孫妃港 宅前

二十畝 池家浜 孫家浜 清水港 三十九畝 陳湖東灘

寢浦廟 長絳路 吳家灣 狹港 縣志未載

中二十六都副扇 蘇臺鄉貞豐里

七畝 東至青浦縣界北至新陽縣界 下長汎 小圩 朱家浜 王家

灣 九畝 浦家店前 南鶴田 錢王浜 十二畝

西宅港 龍亭 羊家浜 十三畝 和尚田港 塔上

官場涇 十四畝 蟠龍浦 龍亭

南二十六都正扇 蘇臺鄉貞豐里

一畝 東及南俱至青浦縣界 周莊南柵 永安橋 世德橋 銀

子浜 四成址港 東垞 十八畝 白蜆江東灘 西田肚

太營浦 楊家浜 二十二畝 搖城湖北灘陳湖西灘 水東浜

季家田 搖城 三十八畝 陳湖西灘 盛德 方家河 石

家浜 北一畝 陳湖西灘 舍灣 東蔣塢 塹頭 北二畝

陳湖西灘 南田樓 西蔣塢 塹頭村 塔上 梅家帶

三畝 東至青浦縣界 耘田港 質洞 三十六畝 西至吳江縣界 周

莊北柵

南二十六都副扇 蘇臺鄉貞豐里

二畝 西及南俱至吳江縣界 周莊西柵 貞豐橋 四畝 趙浜

南沙涇 急水港 俞家浜 陳家浜 廟浜 十五

畝 韓鎮 祈莊 下埧浜 十六畝 陳湖南灘 三朱浜

繆浜 大營浦 黃泥埧 長樂里 十九畝 白蜆江西南灘陳湖南

灘 張家港 林家浦 石頭埧 二十一畝 南至吳江縣界

行涇 橫港 二十三畝 陳湖西灘 盛德 梅樹灣 冰簪

浜 浪打川 水車浜 三十七畝 南至吳江縣界 東田肚

許家港 雙廟 朱里浦 北沙圩 仙鶴澗 縣志未載

二十七都正廟 蘇臺鄉貞豐里

三畝 鑊潭村 西操 小龍港 北五畝 朱家浜

大姚 寺河 吾家浜 譚家港 白渠洋 八畝 田

肚浜 薛家浜 橫港橋 聖場 烏兒嘴 十畝 和

尚莊 西庫浜 長埧 盆浦 南五畝 白家浜 錢

王浜 織洞 庫上 錢家庫 十七畝 高田浜 馮

家橋 朱里浦 太婆浦 王家浜 二十四畝 西車

坊 姚家浜 潭墩埧 洛陽橋 二十六畝 吳淞江灘 東

車坊 錢家田 邊巷 二十七畝 上潭 李家圩

王家潭 陳家浜

二十七都副尉 蘇臺鄉貞豐里

四畝 陳湖西灘 大姚 陳夏浜 金釵浦 小龍港 六畝

長埧 石墩港 沾令涇 陸店橋 七畝 王墩浜

觀常涇 楊涇漫 九畝 吳淞江東灘 西南灣 長浜

姚家浜 十一畝 打生港 沈家蕩 金釵浦 斛扒

浜 朱家埧 張家浜 十二畝 西南灣 和尚莊

朱墟浦 二十三畝 南至吳江縣界 江田 何家蕩 芮家浜

戴舍浜 二十九畝 張安堰 上潭 嚴家滙

二十九都正扇 東吳下鄉顏安里

塘 一畝 黃天蕩西灘 北堰田 楊枝塘 鴨蟹浜 陳家浜

塘 二畝 馬家浜 陸家板橋 西街 衛浜 牛場

址 竹墩 楊灣汊 沈家橋 小桃源 塘 四畝 黃天蕩北

灘 冰厰上 青龍港 塘 七畝 顧榮墓 南 斜港

盛頭浜 湯堡港 俞家厰 呼鯉涇 北塘 十一畝 赭墩

湖北灘 花涇港 王老涇 鄭家浜 莫家漚 楊家厰

漚 沈家漚 塘 十三畝 慈莊村 卽河浜 塘 十六

畝 蔡家圩 倪家浜 計家灣 新港 居窰 下百

畝 上堡港 馬船兜 塘 三十畝 黃天蕩西灘 蕩裏 瓦

礫涇 神仙港 百腳橋 小龍口 仲家橋 塘 三十

二畝 獨墅湖西灘 蕭家浜 五花涇 浪打川 曹村港

湯堡裏 川心漚

二十九都副扇 東吳下鄉顏安里

塘 三畝 外城灣 滅渡橋 徐家港 裏城灣 赤門

壇 小橋 廣孝阡 塘 五畝 卜家浜 楊堰裏 塘

六畝 市浦塘 銅杓浜 烏龍涇 沈行浜 吳巷浜

辛巷浜 盛頭浜 塘 九畝 陸家厓 譚家港 南

汀港 雷尖渚 姚墓塘 塘 十畝 滾裏 牛橋 長

浜 海曹 灣裏 花涇港 塘 二十二畝 獨墅湖 蔡

家圩 葫蘆浜 橫港 西港 居窰橋 北石橋 塘

二十八畝 郭莊圩 調車灣 道義灣 養老五十八

車河橋 道人浜 塘 三十三畝 獨墅西 市浦塘

南三十一都正扇 尹山鄉塔城里

塘 二十六都 西灣 陸家浜 方家浜 塘 二十七畝

杜家橋 陸公橋 善浦港 姚家浜 南漚上 錢

家漚 唐墩 蝦籠缺 鑊扒浜 塘二十八畝 小良

田 金絲港 塘二十九畝 江家浜 彭家浜 外田

戈家灣 塘三十畝 薛家浜 後村港 白洋 斜

港 塘三十一畝 郭家浜 六浦 五浦 碓坊浜

東橫浦

南三十一都副扇 尹山鄉塔城里

塘二十畝 江鐵橋 張客橋 盧壩具 塘光涇 吳

家尖 仲家浜 塘二十一畝 塔漚港 西庫浜 馬

踏浜 塘二十二畝 石灰浜 青池灣 聖堂灣 張

墓港 師姑堤 古塘 塘二十三畝 西至吳江縣界 居家廟

迳家滙 新開河 塘二十四畝 西至吳江縣界 徐家浜

龍翔灣 塘二十五畝 南至吳江縣界 祝家田 王家壩 夾

浦橋 東境屬吳江縣 十三洛 塘四十一畝 西及南俱至吳江縣界 蕩

油港 瓜涇港 東西兜

中三十一都正廟 尹山鄉堵城里

塘十一畝 姜莊 邵搭裏 九盛 蔡浜 邵浜 費

漚 塘十二畝 西至吳江縣界 下田 王家浜 蝦籠浜 馬

河橋 鮎魚堤 塘十三畝 朱塔浜 錢家村 金家

村 油車堤 洋山蕩 黃泥堤 杭家浜 塘十四畝

迷圩田 尤家浜 王家浜 三家村 尹山橋 百

花港 濟川橋 連射橋 南町港 桃花港 寶帶橋

塘十五畝 莊後 長山港 馮墓涇 長船灣 無

常墩 塘十六畝 尹山 尹山鎮 購師橋 廟橋

錢家山 塘十七畝 烏盆港 北浜 柵東 孔家涇

龍涇港 外白田 磨灣裏 螞蝗渚 茨姑灣 顧

儲橋 張鳳浜 鵝鴨浜 鸚鵡浜 塘十八畝 絲網

渡 尹山鎮 塘十九畝 桃花圩 九曲灣 郭家浜

邵福渡 許家浜 棉花漚 王土涇 錦帆涇 雙

壩 廣連橋 鵝欖浜 塘夫浜 塘三十九畝 尹山湖南灘

九曲 徐家浜 善浦橋 南深港 殷家浜

中三十一都副扇 尹山鄉堵城里

塘東十四畝 褚墩湖西灘 韓家浜 武家浜 計家浜 楊

家庫 塘 三十二畝 六浦橋 橫港 南浜 水西村

蘆墩 何浦濃 塘 三十三畝 張家浜 吳家浜

張家涇 白田港 馬巷港 義塚 塘 三十四畝 月

河濃 萬步頭 桑園浜 蕭家浜 塘 三十五畝 吳淞江灘

蛟龍圩 葛朱浜 馬家斷 馬巷 簍子浜 塘 三

十六畝 九里湖灘 外田 太平橋 灣船濃 蔣家浜 瑤

草灣 何家港 運田濃 塘 四十畝 褚墩湖南灘 下北浜

永濟橋

俗名大橋

西官浦

王家浜

沈家灣

三元村

碓坊頭

袁家港

太平橋

北三十一都正扇

尹山鄉堵城里

塘

一畝

浜北圩

青洋地

計家厰

陸家村

烏紗

浜

採蓮涇

鹽倉基

銅錘浜

水綠涇

塘

二畝

燒香橋

張家角

燈草橋

通仙橋

塘

三畝

西至吳縣界

藕梢浜

陳家厰

香花橋

邵瀆涇

馬形墩

道

士橋

塘

四畝

澹臺湖北灘

道士圩

朱家村

季家岸

新開漖

王家村

箬帽浜

蟹眼涇

道婆墩

猪頭

蕩 破窑浜

豐樂橋

塘

五畝

王家田

百腳港

百腳橋 外概渚 夏圩 荊家浜 塘 六畝 中潭港

西長浜 姜家港 斑魚渡 塘 上八畝 河田裏

王巷村 朱涇橋 塘 十畝 郭巷 沈婆浜 於家浜

潘家浜

北三十一都副扇 尹山鄉堵城里

塘 七畝 和尚圩 九盛裏 查家浜 湯家浜 宋家

浜 塘 下八畝 獨墅湖西灘 王家田 獨墅村 燒人浜

塘 九畝 郭巷 馬村 塘 十二畝 油車埭 上西港

中西港 下西港 烏泥涇 南深港 陳王墓浜

塘 十五畝 尹山湖東灘 赭墩湖西灘 王老涇 赭墩 東西兩村 浮曹

百文浦 寺莊 四百畝田上 塘 十七畝 北高村

橫港村 嚴家村 社倉港 黃沙浜 周婆浜 塘二

十五畝 楊家浜 直利涇 郭家浜 崔涇浜 塘三

十七畝 錢底潭 高塾 金園裏 湯家浜 太平橋

白龍潭 十里涇 布浦塘

水道

鎮中水道南北直流在嚴字圩西江字圩東曰富安橋河南至報恩橋外曰南湖北至全功橋北曰急水港其過東支流進永安橋曰銀子浜至金鉤釣月灣中折而南曰簕涇直通南湖而跨水多架屋不能通舟楫其過西支流二一進梯雲橋曰中市河一進太平橋曰後港中市河過西至貞豐橋外曰西灣漾漾北支流二一進通秀橋直北曰油車漾再北迤西至寺前港出白蜆江一進瑞福庵西曰北友港再西北至胡家圩亦出白蜆江漾西出聚寶橋折南過東曰新開河通南湖中有過北一浜在南江字圩化字圩之間舊通西灣漾爲

元和吳江分界後經壩斷築屋其上故稱壩基又有南湖相近過北一口通大魚池係道光中年所開後港過西至福洪橋外卽油車漾中有過南一浜曰楊家潭過北一浜進青龍橋曰小橋浜再北折東舊通洗鉢亭前之池今其浜亦漸淤矣雍正元年里人將合鎮河道濬治乾隆三十六年春又濬嘉慶二十四年秋褚天一募捐重濬同治十二年秋戴起曾又募濬其新開河係康熙五十年清遠庵僧曉一募開時於河中掘得石佛十餘座身高尺許跌坐蓮花至今清遠庵中猶有存者

鎮中諸河因漁者多方搜捕道光二十四年請於府作爲放生官河出示禁約示載余治得一錄

環鎮湖蕩紛如棊布其附近者西北曰白蜆江北曰急水港東

北曰和尚渠南曰南湖東有繞嚴字圩由急水港分流而南
經東垞村至南湖者爲小東垞港再東繞父字圩者爲大東
垞港西有繞化字圩由白蜆江分流而南者爲投字港亦名
東町港過東至聚寶橋者爲十景塘折南再東至南湖者卽
新開河投字港之東有一浜舊稱海魚港今已壩斷其去鎮
數里及十數里者西北曰陳湖北曰太史田東北曰長白蕩
東曰澱山湖東南曰元蕩西南曰三白蕩西曰孫家蕩自白
蜆江北通陳湖者爲蕭田湖其東通太史田者爲朱里浦俗稱
朱靈浦在蕭田湖口亦通太史田者爲大營浦自急水港北通
太史田者爲耘田港爲廟潭港再北過王家港爲天花蕩其

北灘卽金家蕩村也自和尚渠東北通長白蕩者爲下段港

爲紅廟港

青浦縣志作執洞港與元和分界處

再東爲鰻鱺洲

青浦縣志有蔓萊洲疑卽此

迤南爲王巷蕩爲朱砂港出澱山湖自下急水港東南通澱

山湖者爲栲栳灣爲沙田爲石人廟

青浦縣志作石神廟

自南湖東南

通元蕩者爲翁家港爲老鷹蕩爲寺巷港爲楓里橋港自南

湖之南通莘塔鎮者爲賣鹽港中折而東在善灣村前爲宗

家蕩再東爲倪家路

吳江縣志作義家路

出元蕩又過西在長浜村前

爲葦菜蕩自南湖西南通三白蕩者爲三家村港爲龍涇蕩

吳江縣志

爲江龍橋

吳江縣志作江家灣

爲南莊蕩自十景塘西通孫

家蕩者爲江澤港爲棹緯湖

吳江縣志作江澤蕩

爲楊家蕩其餘支河

汶港脈絡相聯未能悉數也

白蜆江 在鎮西北袤九里廣亦如之北連蕭田湖直通陳湖西南俱屬吳江縣有急水江自西北至東南橫互其中卽古之東江也按史記正義蘇州東南三十里名三江口一江西南上七十里至太湖曰松江卽古笠澤江一江東南上七十里至白蜆江曰上江亦曰東江一江東北下二百餘里入海曰下江亦曰婁江張國維水利全書云白蜆江爲澱山湖發源之處由澱入海相傳此江波浪最險曾有異人來言江底有九泉某日某時見有紅蝦九浮於水面以鐵柱從蝦浮處釘下可以塞此泉里人如其言果驗得爲安瀾然遇風逆輒

月并金元卷一
不能行

明姚廣孝風阻夜泊白蜺江口懷徐賁詩顛風渡江難停
櫓依菱葑濤煙翳暝光灘月浸寒夢漁歸候火明鼉眠忌
蘆動遇險更思君陡覺離愁重

急水港 在鎮之北白白蜺江西北行至沐莊湖名曰上急水
港白白蜺江東南行至澱山湖名曰下急水港長二十餘里
徑闊水深流亦較急爲松江漕艘運道俗稱糧船路按太湖
之洩龍山湖者其東北流之水俱入吳淞江其東流之水由
九里湖沐莊湖入上急水港歷白蜺江復趨下急水港至石
人廟出澱山湖其陳湖之水分流蕭田湖者亦由白蜺江入

下急水港此港爲白蜆江上承下注之所卽東江故道也

和尚渠 俗稱北白蕩在鎮東北袤三里廣二里西自大王廟至東南栲栳灣俱屬急水港此爲港之廣闊瀦蓄處猶南之沙田也其東北由下段港紅廟港分注長白蕩故水勢甚急遇有風波幾至斷渡

南湖 本名張矢魚湖俗稱南白蕩在鎮之南袤三里廣亦如之晉張季鷹翰唐陸魯望龜蒙嘗釣游於此劉夢得禹錫罷郡後亦曾寓湖濱此湖水清而味冽以之釀酒勝他處相傳湖底有酒缸羅列云惟風浪作時每易覆舟卽報恩橋下之水亦多奔流急湍也

陳湖

距鎮西北十二里廣十八里周六十里相傳爲邑聚所

陷又名沉湖太平廣記載此爲陳縣有獅眼流紅之說事實

近誕然當水涸時其中街衢井竈厯厯可辨餘如上馬石墓

道田畝界石不勝枚舉且有拾得銅鑼鐵鏈及器皿什物者

又湖濱寢浦禪林明弘光元年所鑄鐘有天寶六年春地陷

成湖等字其爲沉也無疑矣

按上馬石殆如周禮乘石所登上車者歟故老傳說似亦有據

李寶陳湖八景詩磧砂曉鐘云磧砂古刹廢何年留得鐘

聲詩裏傳野鶴獨吟清淺月松濤空響寂寥禪更無賈客

移船泊惟有殘僧閉戶眠草徑元師遺塔在蕭蕭黃葉感

前賢大姚夕照云姚村落照色蒼黃遙望羣山接大荒數

縷殘霞浮水面一彎新月破溪光丹楓更覺流輝麗紅寺
還疑射影長牛背笛聲歸去晚天邊竹樹漸微茫葢豪酒
肆云前村茅店酒旗斜疑有相如住此家竹葉香聞春十
里杏花色醉路三叉漁翁把盞邀明月客子銜杯坐落霞
紅粉當壚轉愁絕鄉心一片付歸鴉席墟漁火云席墟村
畔泊漁舟點點疎螢映水流絲網半明浮白動蓬窗漸掩
小紅收棹兒笑語蒹葭夜鴻雁飛鳴蘆荻秋說向煙波名
利客不如高卧醉江頭寢浦歸帆云蒲帆片片掛斜暉客
思蒼涼寢浦歸風裏白雲兼岸動水邊黃葉隔江飛畫圖
杳藹移村寺蘆荻蕭疎過釣磯明月權歌鄉路近不知煙

霧溼人衣瀟田落雁云荻蘆蕭蕭雁初歸雲水無邊野稻
稀斜日片帆隨影度暮霞孤鷺入行飛陣迷午夜虛弓引
曲譜平沙妙手揮一幅瀟湘開畫本天涯兄弟兩依依搖
城秋月云波光月影接搖城一望長空分外明稻蟹出游
窺夜色草蟲閒坐作秋聲蘆花斷岸霜同白楊柳荒隄水
共清我欲題詩迎皓魄更闌人靜薄煙生張陵暮雪云東
西兩寺古陵寒六出霏微向暮看梅萼香含先傳粉楓林
凍徹尚餘丹印來鴻爪人初靜點到漁蓑夢未闌縹緲光
搖迷晝夜山中高卧有袁安

太史田

距鎮北三里袤五里廣三里相傳爲宋賈似道田莊

湮沒成湖當水淺時見有古井數口想亦人居稠密之所迄
今僅六百年茫茫煙水彷彿陳湖令人深滄桑之感

長白蕩 距鎮東北六里袤十里廣三里北近陳墓鎮西通明
卿蕩直接陳湖東注鰻鱧洲經王巷蕩朱砂港出澱山湖其
南有南上支流曰長連湮由沙田石人廟亦出澱山湖蕩之
南屬青浦縣北屬元和縣

澱山湖 亦名薛澱湖距鎮東十二里廣三十六里袤十八里
湖之西南屬吳江縣東南屬青浦縣北屬崑山縣青浦縣志
載源自白蚬江急水江而來周圍幾二百里北由趙屯浦東
由大盈浦瀉於松江東南由爛路港以入三泖按太湖之東

唐荊金卷一
二
流者至此而瀦潮汐之西來者至此而平凡吐納衆水之處
以此湖爲雄長焉

元蕩 青浦縣志作菴蕩距鎮東南七里袤六里東
屬青浦縣近金澤鎮西屬吳江縣近莘塔鎮其西南分三白
蕩之流注於八門蕩以入澱山湖常風水相激巨浪連天爲
最險要處

三白蕩 距鎮西南十里三蕩相連自西北至東南廣十五里
袤四里分湖在其南唐湖在其西風波之險甚於他處故諺
有之曰蘆墟三白蕩無風三尺浪

孫家蕩 俗稱孫家場距鎮西五里袤六里廣三里蕩之北即

同字村故稱同字蕩西承元鶴蕩分流由楊墳蕩而來東注楊家蕩及棹緯湖再東至南湖達元蕩此蕩雖非巨浸亦瀕水之區也

勝蹟

全福曉鐘 全福寺在白蜆江濱爲鎮之古刹喬木陰森梵宮
隱現舊鐘相傳飛去繼經重鑄當龕燈斂光林鳥欲起蒲半
一吼幽夢全蘇真所謂欲覺聞晨鐘令人發深省者也是爲
八景之一 寺舊有鐘康熙初有異僧來募此鐘寺衆笑許
之是夜大風雷雨鐘忽不見繼知在東鄉圓化寺離此二百
餘里雍正間東房僧衡玉訪至其處寺已圯而鐘故在欲請
歸禱於佛不許而止乾隆三十八年方丈僧德立募鑄新鐘
重三下餘觔懸於殿左聲聞數里後爲孕婦所撞忽裂一縫
而聲頓殺矣

徐稜詩蕭寺吼蒲牢煙林一杵送老僧多事忙打破千家
夢陶元照詩古寺發晨鐘華胥睡正濃迷關千疊鎖安得
喚重重陶甄詩不宿深山寺何來吼巨鯨龍燈猶隱現江
霧半昏明覺夢開雙樹迷津喚五更震聾拯孽海始信佛
多情

指歸春望 指歸閣在全福寺中高聳江干疏櫺四啟眼界空
明水天一碧際春光明媚之時遠山浮眉平疇如繡人家屋
宇翼出天桃秣柳間殊令人目不暇給是爲八景之二

陳勰詩傑閣崔嵬峙水濱閒來登眺好陽春桃腮杏靨迎
眸豔燕語鶯啼入耳新容我拈花參古佛笑他拾翠競遊

人分明指示西歸意銷盡芳華自出塵戴其相詩有閣登
然峻極崔嵬憑欄眺遠容與徘徊春長春短乍去乍來佛
笑拈花高坐蓮臺指我迷途歸哉歸哉

鉢亭夕照 洗鉢亭在永慶庵文昌閣後背東面西前臨清池
旁有古柳一株垂絲拂水蓋百年物也每遇夕陽初下返照
入檐波影搖金霞光散綺登斯亭者恆日暮忘歸是爲八景
之三 章騰龍貞豐擬乘載八景有雨花春曉小橋流水迨
陳總增軒因雨花庵雜處尼姑而小橋則已淤塞故以指歸
春望鉢亭夕照易之鉢亭者乾隆二十年里人陶金梭所建
道光二十三年文昌閣爲大風所傾亭亦圯矣初建時金梭

與同人作詩唱和而張鶴俞達爲之記文極古雅詩亦多有可觀者今采錄如左

張鶴洗鉢亭記宇內之境足以供人樂者何限世人役役窮年日與俗緣相縻憂隔此真趣白香山之句曰人生貴自適適外復何求胸中積塵萬斛無由洗滌安得蕭閒清曠一見本真耶吾友陶子退思於周莊鎮北之永慶庵喜其規模蹊徑有宏以敞者有幽以邃者獨惜無登臨之處以縱遐觀乾隆壬申住持僧雪鴻度庵之西偏創文昌閣萬象豁呈遠山黛色近江帆影莫不參差掩映於雲樹間閣成之日退思偕同儕往登焉周覽俯睇疑有闕焉者笑

指謂僧曰登覽之趣備矣然臨池獨少一亭豈竟無取於
水耶遂謀建亭於其下傾囊成之顏之曰洗鉢引以爲貞
豐八景之一憑欄四顧方池面西渟泓澄澈荇藻參差落
霞倒映當花開月照魚泳鳥飛景備四時塵無一點眞足
暢幽情於晨夕消俗慮於胸懷奚啻可滌釋氏之鉢眞堪
洗吾儒之心矣宜乎一時騷人墨客游目騁懷相與賦詩
流連以共鳴其適而不能自己也噫月榭風臺所在多有
類皆湮沒不傳而晉之蘭亭特以四十二人雅集永和之
什至今稱道弗衰是則勝地之於翰墨又曷可少哉俞達
洗鉢亭記洗鉢亭者鎮北永慶庵之後亭也在余池上草

堂之右偏背東面西上蔭古柳下俯清池可以送夕陽留
落月延春芳挹秋爽鳥飛魚泳觸目天機波光雲影沐浴
梁棟間地雖不逾十笏登斯亭者何啻身遊八功德水耶
先是庵久荒蕪殿閣傾圯乾隆壬申頤浩寺雪鴻和尚來
此住持里人爲之脩其殿宇新其樓閣雪鴻與其徒志堅
翦其荆棘除其瓦礫亦旣青蓮植而紫竹森矣欲構亭池
上力未暇也陶子退思韻士也適遊於茲耳曰盥濯心脾
澡雪囁然歎曰何不急亭於此乃謀諸同好且傾囊以落
之踰年而亭成思所以顏之謂雪鴻曰此亭遠飲西山之
翠近吸東江之流古人口吸西江吾師其口吸東江乎當

名之曰吸江雪鴻曰吾奚足以當之然秉教沙門以來衣鉢猶存吾其於此浣吾衣洗吾鉢乎退思遂顏之曰洗鉢余嘗偕退思憇是亭而有私憾焉憶余少愛閒靜癖於山水而乏買山貲幸所居瀕東江屋後一椽曰池上草堂堂之前後皆池也朝夕吟咏於此或茶一甌或酒一瓢臨池而飲之醉則頰面濯足醒則洗盞更酌春花秋月夏雲冬雪四時之間未嘗或輟自謂此樂足以秘而私之餘人不得奪也今洗鉢亭成翼然峙於堂右向之所謂佳勝悉爲遊人分去余能無憾於懷耶退思笑曰君亦聞夫衆香鉢乎香積以鉢食衆一人食之不見其多千萬人食之不覺

其少又何有景之能奪且更爲君增一亭榭之觀而反以爲憾耶余笑而應之系之以詩曰亭占草堂勝平分水一灣流觴看我醉洗鉢見僧閒鵲借桐枝宿魚銜柳絮還開軒兩無礙期與客同攀陶金梭乙亥夏五同人登洗鉢亭詩傍水亭高築池光映帶幽柳深容鳥宿蘋密任魚游習靜偕玄度清談對貫休憑欄觀滌鉢煩暑散成秋鄭鶴姿和詩招提新結構洗鉢一亭幽出定僧閒憩逃禪客共游披襟天地濶接座利名休蘋末微風起形神爽似秋沈天相和詩背寺新亭暢縈池古木幽鳥從波面度魚傍柳梢游載酒情何限烹茶語未休禪心如鉢淨相對證千秋俞

錫書和詩亭在水之曲乃得山之幽分彼運甃力膠此浮

杯游結構忘歲歉

亭於癸酉經始適值年荒

詠歌答時休家風尚有鉢

洗濯無春秋陸椿和詩禪房何處好池畔小亭幽白具清
涼界何妨汗漫游趣從閒裏別心到逸時休最愛牆邊柳
依依獨耐秋陶鑑和詩古院無塵地池亭一徑幽當窗青
嶂列繞樹白雲游月照禪心寂波淘俗慮休狂吟翰仲氏
寫盡碧天秋僧能綏和詩吾安禪室僻君愛水亭幽樹卽
千年古魚仍八德游身心同洗濯生死等浮休相約持香
鉢寧論春與秋

蜺江漁唱

白蜺江濱爲漁人晾網處得魚換酒不醉無歸興

至扣舷此唱彼和遠水斜陽牧笛間作幾不知有塵世間事
是爲八景之四

徐汝璞詩蒹葭深處一聲歌江上清音屬和多莫訝行吟
來澤畔半船明月卧漁蓑俞達詩夕陽紅半江秋水碧千
頃可惜扣舷歌不曾逢獨醒朱霞燦詩蜺江江水十餘里
何來一片歌聲起漁舟三五唱晚天明月蘆花淺水邊江
鄉最羨漁家樂烟波爲宅天爲幕銅斗一拍水調高併入
天籟風蕭蕭

南湖秋月 南湖在報恩橋外秋水澄清之候皓魄當空萬籟
息喧一珠高揭光彩四射不數巵社湖矣是爲八景之五

沈偉烈詩蟾宮倒影入龍宮穆穆金波下上同一片空明
雙激射遊人如在玉壺中戴其相詩秋宵氣清水波鄰鄰
偶來踏月南湖之濱皎然色相湛然精神是一是二非假
非真水耶月耶今日前身

莊田落雁 莊田在清遠庵南一獨圩也俗稱蒲田蘆荻叢生
環護隄岸鴻雁來時點點從空中下幸免罹羅於焉棲啄是
爲八景之六

俞達詩君從何處來吾鄉無矢石相期莫浪飛機械過彈
射陶元照詩迢迢江南路莊田景如故稻梁雖可謀無動
弋人慕戴其相詩有鳥有鳥辛苦隨陽豈好隨陽言謀稻

梁農夫之慶千倉萬箱山南山北網羅高張莊田莊田何如故鄉

急水揚帆 白蜺江之東南爲急水港直達澱山湖松江水漕由此北上乃運道之總口舳艫銜尾帆影蔽空乘風破浪瞬息百里登高遠望亦水鄉一奇景也是爲八景之七 自道光末改行海運不復覩此景者三十年家弟然欲以淞南水操易之余以爲國家漕政隨時變更安知將來不復行河運耶姑仍其舊以俟後人

朱霞燦詩太湖東注水流急蘇松百瀆通呼吸糧艘賈航會此鄉蒲帆百幅養風疾三泖烟微舉日遙九峰雲黯回

頭失綵鷁飛來趁晚潮
銅烏鳴處銜朝日君不見人生得意亦乘船破浪長風利莫匹宦海波濤何日無眼前道路眞如漆戴其相詩如雁排空如馬并轡如捲飛瀑如行平地水急舟輕不泊風利境有順逆勢有難易爲語榜人莫鳴得意

東莊積雪 東莊地在桃花庵外本名東倉相傳爲沈萬三積粟處每值同雲密布六出紛飛枯樹著花平疇種玉幽人詩思正不必在灞橋驢背上也是爲八景之八

陶元照詩晴鵲莊前噪朝曦又上門凍雲流一片寒意護詩魂戴其章詩東莊一望荒煙踏凍渾忘地偏茅舍竟成

玉宇青疇已作藍田尋詩客在驢背訪舊人來鶴船積粟
倉中幾許空餘積雪年年

搖城 在鎮西北陳湖之濱本吳王子封地攷越絕書吳王封
少子搖於蘇城東南三十里今南二十六都二十二畝之搖
城旁有山曰搖山湖曰搖城湖其爲故封無疑後係越搖君
所居甫里志載越王搖於漢高祖時佐諸侯平秦封之以奉
越祀俗稱姚盛者誤

尊菜蕩 在鎮西南長浜村之前東通賣鹽港周不及三里而
中多暗墩舟行易滯相傳爲張季鷹采尊處中有一巨魚青
苔滿背人不敢捕又二畝港之東有尊鱸港亦以季鷹得名

質洞村 在鎮東北急水港濱宋韓斬王嘗屯兵以禦金又分

駐一旅於澱山湖西其地曰韓上村蓋亦以王得名王去後

留副將石仔鎮守一遵韓王約束民賴以安因建石神廟俗稱

爲石人廟供奉其像至今香火不衰康熙四十年質洞村人掘得

古錢數甕想係當年犒軍所遺乾隆間南湖水涸撈得酒瓶

甚多兩頭尖銳識者知爲韓瓶卽背寇軍所負者插桃梅花枝於中

能結實殆以久淪水底得地氣故歟

銀子浜 爲沈萬三之園居湖石尚存浜盡處有水一泓下通

泉源紆迴曲折早歲不枯上築小邱名曰金鉤釣月見楊循吉蘇談

水底有古墓堅實完固未知所葬何人其以銀子名浜者殆

因萬三之多金歟或云是當年鼓鑄處

縱目亭 在鎮東南荷花池畔徐氏之別業也前對南湖只隔一隄風帆沙鳥朝旭夕霞四時佳景一覽而盡乾隆間爲馬道士所居亭已圯矣

張冷縱目亭晚眺詩數畝方塘一鑑明隔隄巨浸更澄清
漁帆下上隨風轉霜葉翻飛點浪輕戲水鷗鷺分浦宿歸
村樵牧望烟行頽然白髮亭前坐遙見蘆花拍岸平

全福寺古井 中房天香深處有井一口欄鐫義井二字相傳
有老媪積傭工資所鑿惜不能攷其姓氏今井久填塞而禪
房亦一抔荒草矣

全福寺古榆 藥欄房一名大樹房庭前有古榆一株干霄蔽日鎮中稱喬木焉乾隆中爲雷所擊遂枯

徐波亂後過周莊全福寺喜大樹無恙詩樹表湖濱寺高秋風力强深根窮暗井黃葉被諸房坐鎮如山黑垂陰入夏涼亂餘斯得免呵護歎靈長

全福寺詩碣 大殿右壁嵌一碣縱尺橫倍之鐫草書七律一首作者爲新安龍池散人程鑰過能禪師山堂時明萬厯庚辰夏日也能禪師不知爲誰程亦不知何人其下一印章曰上應列宿殆郎官歟

程鑰夏日過能禪師山堂詩爲愛西來法界空談禪避暑

向瑤宮竹迴鐘閣聲兼雨花映香臺影著風三復換驚看
倒薤幾番歸鳳聽焦桐殿庭秋色湖光入恍坐蓬萊絕島
中

物產

稻之屬

香秈稻

一種紅芒者最佳粒細而性柔黏炊熟時甚香

早白稻

有芒無芒二種八月熟

晚白稻

亦名蘆花白九月熟

荔子紅

早熟荔子黃晚熟

寧黃稻

有粗葉細葉二種色微黃

而性柔

矮腳八哥

有早熟晚熟二種

其名八哥者以此

飛來鳳

有兩翼近地白庚申

亂後始得此種故名

金裹黃

米粒黃而早

蘆和

亦名飛來晚

蘆和八月銀條和客種粒長色白

香珠糯

宜作餅餌

鰻鱺梢

皮薄性軟

羊

毛糯亦名羊鬚糯

黃梗糯

亦名黃瓜

虎皮糯

亦名蟹殼

牛筋

糯亦名深陽糯有百曰糯

早木樨球

八月矮腳糯

不宜

馬鬚

糯性硬

麻筋糯

人每種以索綯而收成甚少鄉

古謂之牟有白色者名芋嫻

青最佳確碎與米

糲釀熟成餛飩炒磨作粉鄉人以爲饋遺青嫩

麥之屬

大麥

糲釀熟成餛飩炒磨作粉鄉人以爲饋遺青嫩

司主真志卷一物產

時礪去其皮俗呼小麥古謂之來磨細為麴甚白或和煮熟

麥蠶亦香甘可食黃豆作醬或作酒麴皮曰麴皮以水

著鹽漬之淘去其皮為小粉一種紫色者名玄麥磨細

麴筋澄其餘麴為小粉和米煮食或蒸作燒酒

菽之屬蠶豆亦名吳江青粒較東鄉者晚豆亦名寒豆初夏

即巢菜江北人取為蔬食或入蔬肉作毛豆即黃豆自夏至

美松南營庵人多擅此土人漸採食矣秋俱鮮食或連

煑煮或入肴饌有煮熟長豆又名沿江十八粒有紫白

燠乾點茶者名燠青豆長豆二種嫩時連莢作蔬食

籬豆即白藕豆亦名羊眼豆有白花雞豆粟人謂之巴兒米北

初生綠苞尖有長鬚結實如算縷子如珠剖取煮食性軟味甘勝於他處

蔬之屬齊菜亦名野菜古謂之甘菜貼地作鋸齒葉

油菜冬種春生摘食其莖曰菜劍并可醃藏二

三月間黃花田疇如散金四月收其子壓油莧菜有紅白

種葉小莖柔而赤者曰馬齒莧芥菜味辣故稱芥辣可醃藏

又有赤莖者爾雅所謂葍也食之一種莖厚結塊如

入藥蒂可治痘	至枯老後絡可	生瓜色名光潤可烹	在藥譜且云結子如彈丸而黃瓜在蔬譜縣志誤作一物	按月令王瓜生註云草挈本老則黃可生食并可作醬蔬	蘇之屬黃瓜亦名胡瓜蔓長而毛摘傷則瓜苦四月開黃花	食或作醬蔬者一名蹲鴟有水旱二種大者曰芋頭小	落蘇或取蒸芋一名蹲鴟有水旱二種大者曰芋頭小	因秋風起思尊羹即此茭白米亦名彫胡米味甘美茄子名	尊詩所謂萌也張季鷹菜如釵股短長隨水淺深故又名絲	佳曝乾可久貯餉遠尊菜如釵股短長隨水淺深故又名絲	排以麻油冬笋味極尊菜如釵股短長隨水淺深故又名絲	食甚蓬蒿菜如野菊花後漸不可食馬蘭頭其嫩者淪熟	醃藏以備歲即所謂秋末晚菘也塌科菜即油菜之未生	葉高至尺餘經霜烹食甚美冬月塌科菜即油菜之未生	桃芥尤佳菠菜根赤葉如箭鏃味甘美種藏菜亦名白樹	胡桃者名胡
--------	--------	----------	------------------------	------------------------	-------------------------	-----------------------	-----------------------	-------------------------	-------------------------	-------------------------	-------------------------	------------------------	------------------------	------------------------	------------------------	-------

司庄真志卷一 物產

七

有金銀脆瓜即香瓜而蒂有圈痕者青皮綠南瓜亦名番瓜

代飯故又名飯瓜有長扁二

果之屬 李光桃皮光澤鹹酸桃名毛桃 柿子亦名牛爛柿

紅本地生者熟則色黃吳門補乘白果亦名鴨腳子經霜自

云吳都賦君遷其子即牛爛柿也

果殼白仁綠三棱為雄二棱為雌樹即銀杏正字通云一名

平仲吳都賦平仲註劉成曰平仲之木實如銀陳藏器以為

即銀香樂實大形圓皮黃多瘤香沙角菱王氏武陵記云兩

杏也香樂氣同佛手柑祇堪供玩

日芟此實芟屬鄉問 餛飩菱大而無角味甘美又有小而茨

池蕩浜港多種之 餛飩菱無角者名秋光頭味亦佳

菇一作慈姑古名鳧茨植水田中每 勃臍亦名地栗植水田

者味美不能耐久黑者帶

泥可以致遠性能軟銅

藥之屬 益母草亦名茺蔚花 何首烏有赤白二種莖名夜交

有紫白二種 藤道光間全福寺旁蔓

延 甚 茂 時 有 掘 忍 冬 藤 即 金 銀 花 藤 經 地 骨 皮 即 枸 杞 根 其	得 大 首 烏 者 冬 至 後 生 三 四 月 開 花 稀 效 草 亦 名 火 欬 草 淡	堪 入 夏 枯 草 作 穗 夏 至 便 枯 故 名 花 稀 效 草 亦 名 火 欬 草 淡	藥 生 叢 草 間 短 小 如 竹 車 前 子 俗 名 蝦 蟆 衣 蒲 公 英 亦 名	竹 葉 生 叢 草 間 短 小 如 竹 車 前 子 俗 名 蝦 蟆 衣 蒲 公 英 亦 名	地 丁 其 花 如 單 瓣 野 菊 紫 花 地 丁 亦 名 見 腫 消 葉 如 柳 而 細	開 罷 飛 絮 莖 斷 有 白 汁 紫 花 地 丁 亦 名 見 腫 消 葉 如 柳 而 細	起 莖 生 溝 紫 蘇 葉 而 背 牛 蒡 子 亦 名 鼠 黏 子 又 名 惡 實 又 蒼	壑 者 起 莖 紫 蘇 葉 而 背 牛 蒡 子 亦 名 鼠 黏 子 又 名 惡 實 又 蒼	耳 亦 名 葉 耳 即 小 薊 俗 名 石 灰 草 正 月 採 苗 醃 熟 和 麥 澤 蘭	耳 詩 之 卷 耳 即 小 薊 俗 名 石 灰 草 正 月 採 苗 醃 熟 和 麥 澤 蘭	白 花 葉 似 火 麻 根 名 地 筍 又 有 一 種 葉 光 土 薑 香 方 莖 白 花	而 香 俗 呼 省 頭 草 者 始 即 所 謂 蘭 草 歟 土 薑 香 方 莖 白 花	入 茶 飲 最 宜 其 菖 蒲 葉 闊 長 如 劍 者 名 石 菖 蒲 葉 天 名 精 名 亦	香 氣 較 勝 廣 藿 菖 蒲 纖 小 而 短 者 名 細 葉 菖 蒲 天 名 精 名 亦	地 菴 又 名 活 鹿 草 又 名 鶴 虱 叢 生 細 白 花 如 蓋 花 罷 含 莖 結	蝦 蟄 藍 根 名 杜 牛 膝 鶴 虱 實 粒 扁 有 芒 按 李 時 珍 本 草 綱	目 併 入 天 名 精 下 云 實 名 鶴 虱 根 名 杜 牛 膝 而 汪 昂 本 草 備	要 雖 云 別 是 一 種 然 下 載 最 拈 人 衣 有 狐 氣 等 語 是 仍 以 天
---	---	---	--	---	---	---	---	---	---	---	---	--	--	---	---	--	---	---

名精實俗呼臭花蕭蓄亦名扁竹卽爾雅之王芻葉細薤白

亦名蒿子俗禿菜根亦名羊蹄俗名土冬葵子俗名野苳蘇

小菊花枯時取白茅根卽茅柴根生墟墓間尖芽蘆根蘆葦

以印餅餠花紋曰茅鍼與其花俱入藥

花之屬玉蘭多植庭院間著花木末色白香烈花桃鄉村俱

時綠樹間之薔薇籬落間種之華有刺花多紅色間有黃白

名野十姊妹叢生十數花故名亦名同梅草似薔薇花月

季華葉花俱同薔薇惟按海棠有垂絲者有貼梗者皆單葉

小蓮花戴氏棠巢梔子卽薔葡也花開六出石榴花苞俱紅

吟館一株最盛梔子色白香濃蒂青而長石榴單瓣者結

實洛陽花亦名石竹卽藥之瞿麥叢生有節蜀葵亦名衛足

向日不令照其根也花似木槿而大從根至向日葵出岸離
頂次第開出單瓣紅紫色者多俗呼蜀其
種之高盈丈每幹頂上只一花黃瓣大心其
形如盤隨太陽旋轉結子最繁可焙燥食之秋葵俗名側金
葵而色淡黃如蜜心深紫朝開暮萎結角荷池蕩盆盞俱種
若指子亦繁葉歧出有五尖如龍爪然荷之鎖南魚池岸
曾種白荷極盛鳳仙花形如飛鳳頭翅尾足俱全故亦名金
故亦稱荷池岸鳳仙有紅紫白色又有白質紅點俗呼酒
金別有草妙著花而重葉者名鶴頂子結苞老雞冠有長腳
時微觸即裂故名急性子女子取花瓣染指甲雞冠矮腳二
種其色紅黃紫綠又有老少亦名雁來紅初生似莧白鶴
鴛鴦二色者最耐久一老少年深秋葉漸紅黃可愛白鶴
亦名玉簪花長二三寸本紅蓼成穗色淡紅夏秋水岸細花
小末大開時如白玉搔頭紅蓼成穗色淡紅夏秋水岸細花
種莖粗而粗葉尖味辣叢生野徑者野菊生田野間開小黃
名疎蓼可作酒藥合六神櫛用之野菊甚香且極叢茂
石蒜亦名鹿蔥俗名蟬螂花生墟墓間葉似蒜花莖如蔥管
而五朵並開於頂色深黃與紅有七八瓣者微似萱
香而無

木之屬

楊柳

葉向上者曰楊垂下者曰柳鄉村俱植水棟月

開紫花至冬葉

槐多植庭院宅邊即玉樹也全福寺中一榆

脫垂子纍纍

桂有金色銀色二冬青多植墟墓間經

村落宅前多植之

桂種庭院多植之冬青多植墟墓間經

西戴玟兩株最佳

桂種庭院多植之冬青多植墟墓間經

其枝葉及柏枝插飯米上

柏道院一棟道光癸卯秋為大風

并燕以送隨貢即女貞子

柏道院一棟道光癸卯秋為大風

摧所

摧所

羽之屬

麻雀

多棲屋簷下羣鳴十姊妹亦名游香俗呼相思

成羣飛鳥

俗名老鷓鴣即大嘴鳥也結巢甚大早晚喧

鳴不散

俗名老鷓鴣即大嘴鳥也結巢甚大早晚喧

乾鵲性惡淫人皆聞其

八哥即鵲也似鵲而有幘色純黑

噪則喜故又呼喜鵲

八哥即鵲也似鵲而有幘色純黑

雛俗名野雞亦名錦雞

色備五彩俗名野雞亦名錦雞

雛腹紅尾長多在田野

墟墓間五彩俗名野雞亦名錦雞

有之

白鵲形似鷺鷥羽白喙長毛耳鵲俗呼走冰鳥色蒼

有之

白鵲形似鷺鷥羽白喙長毛耳鵲俗呼走冰鳥色蒼

其母者不相離故詩魚虎亦名翠碧鳥即翡翠之小者善捕
 人取以喻兄弟也
 飾即爾雅青鵒青本名鵒鵒俗音之訛似鷺而大鵒鵒俗名水
 之鵒也青鵒青本名鵒鵒俗音之訛似鷺而大鵒鵒俗名水
 鵒而蒼白文多脂鵒鵒連尾不能陸鵒鵒即杜詩之烏鬼也
 行常在水中人至即沉或擊之乃起鵒鵒大於鵒鵒色深黑嘴
 長而曲如鉤善人水捕魚其喉甚熱魚入即爛故捕魚時必
 以線束其頸鎮南龍運村人多以此為業駕小舟載十數鳥
 放於湖蕩中得魚則嘔鵒鵒亦名飛奴鵒鵒屬毛色有白黑青
 之或生卵以雌雞哺之鵒鵒亦名飛奴鵒鵒屬毛色有白黑青
 殊砂之異以時特而砂粗者為最鵒鵒俗名鵒鵒灰色性拙
 性喜合逐月哺子人家多蓄之鵒鵒俗名鵒鵒灰色性拙
 天將雨則鳴而逐其雌晴雨燕亦名玄鳥有越燕胡燕二種越
 則呼之故人以此占晴雨燕亦名玄鳥有越燕胡燕二種越
 多在堂室梁上胡燕斑黑臆白白頭公亦名白頭翁形似鵒
 而聲大作巢喜長多在簷下白頭公亦名白頭翁形似鵒
 頭上有白鵒鵒即月令之鴛大如雞雛生田野間稻熟時始
 毛身蒼色鵒鵒出故俗呼稻雞其雄善鬪人多養之鎮南長
 浜村人多業
 捕此鳥者

毛之屬

豬

鄉間養母豬每產有二三子屠肆所近地

俱毛白而有角者俗名山羊春生犬計也昔有鎮人貧而乏

食牽其犬售於屠肆將舉刀適陶唐諫見之以青蚨三百贖

羣稱爲水獺亦名水狗形似犬而腳短鼻尖狗獾似犬較矮

義犬爲水獺尾大水居食魚皮可爲領袖

鱗之屬

鯉魚

魚中惟鯉最壽且鯉魚他處鱗多黑色此地獨

燈前鯉宴客必用菜花魚也較之松江鱸魚僅少兩腮耳佐

有寒鯉夏鯉之稱菜花魚也較之松江鱸魚僅少兩腮耳佐

以新笋煮湯鯉魚巨口細鱗肉白味美蘇東鯉魚亦名縮項

食之味最鮮鯉魚坡後赤壁賦所云即此魚鯉魚亦名縮項

扁闊肉嫩魴魚俗名魴皮似魴白魚故亦名詩裏白按詩插

而味腴魴魚而小正二月食白魚故亦名詩裏白按詩插

秧蝦虎魚似菜花魚而不附土斑魚相似河豚而小其肺腴美

也蝦虎魚善食蝦俗名新婦魚斑魚相似河豚而小其肺腴美

鯉魚

俗名黑魚味最劣相傳首

銀魚

南湖出者不鰻鯉有鱗

美食

二種鱖而得者好食腥穢味亦遠遜黃鰱形似鰻性甚熱

介之屬

鰲亦名甲魚又名團魚俗呼腳魚使魚不致散蚌亦名

即蟹也

其小者如蛤蚶或云是江珧柱蜆出白者最佳府志載

可多蟹

北者團臍牡者尖臍近地諸湖俱有之惟山吳蝦河

隨處有之

出江者大面而色黃出分湖者兩螯大小益肥美蝦

紗布之屬

棉紗婦女以木棉花去其核彈作絮捲為棉條而

石鎮棉布

以棉紗為緯織成布細密者與陳墓莊同故縣志並載縹布

以棉紗為

經以白基子布方塊成基盤紋可為手巾雪裏

青布

以青白棉紗逐一相間織成者又有名

蘆蔭搶柳條青者皆青白相間成紋

飲食之屬

煮酒

亦名黃酒冬月以糯米水浸蒸成飯和麥麴

於鬚經兩三月者謂之新酒經一年外者謂之陳酒白酒新

味亦醱其醱成而未煮者謂之生酒酒鄉村多飲之

糯米蒸成飯和酒藥入缸中俟成酒釀漉去其糟加以河水

貯之蓋置壁旁月餘色清味冽謂之靠壁清以十月釀者謂

之十月白味尤佳相傳有木瀆酒家邀此間酒工燒酒以

往彼釀之味終遠遜良由南湖蜆江之水使然耳燒酒以

蒸出者曰糟燒以各種麥蒸出者曰麥燒以米糲菜油以

蒸出者曰酒燒浸以藥味色如琥珀者曰藥燒

燥磨屑壓之其油清潔而夏鳥係扁鵲白鵲黃鵲之類俱水

香故此油坊縣志載之夏鳥係扁鵲白鵲黃鵲之類俱水

神奈諸山下之蕩田間鎮東南官字圩村人專捕此鳥以

媒相引網而取之載至鎮中店家煮熟以市味甚佳他處未

有也其羽毛則售於月餅油多而鬆糖亦潔白不亞於蘆

湖州充作鷄毛扇於他處蒸熟

嫌水方焦以糖果脂油作餡蒸熟

器用之扇 腳爐 莊爐 莊爐 堅實厚重歷久不壞堪與嘉興之

作于 吳堅利靈便數年不散南柵竹器農器如泥箭臂龍秧
爐 吳港東隆興橋南多業此者篩籬棧條雞籠等俱細密光
退寵魚罩鰻箭蟹籠之類餘如篩籬棧條雞籠等俱細密光
渭各適於用北柵港東全功橋至永安橋比戶以此為業故
名筏關衫他處下塘普慶橋以東比戶為之按業此者多係
竹埭關衫他處下塘普慶橋以東比戶為之按業此者多係
樂工故鎮中樂部向稱
關衫黨亦著名一時

周莊鎮志卷一終